

Organska proizvodnja maline

Uzgoj organske hrane svake godine sve više dobija na značaju u većem dijelu svijeta. Upravo zbog toga, proizvodnja organske hrane u Bosni i Hercegovini, može biti jako perspektivna, jer je veliki dio poljoprivrednog zemljišta pogodno za takav uzgoj. Prednost organske proizvodnje hrane, prepoznali su i klijenti Partner mikrokreditne fondacije, koji zahvaljujući uzgoju jagodičastog voća postižu zapažene rezultate. Jedan od njih je i Ferid Pačavar, koji sa tročlanom porodicom živi isključivo od poljoprivrede.



Slika: Ferid Pačavar, Jajce

Ova vrijedna porodica živi u prigradskom naselju Bulić, udaljenom oko 10 kilometara od Jajca. Bave se uglavnom stočarstvom i posjeduju stočni fond od ukupno dva grla krupne stoke. S obzirom na pogodnosti Agro kredita Partner MKF, odlučili su da se bave i voćarstvom. Porodica Pačavar je početkom marta 2014. godine, podigla Partnerov kredit, od koga su na zemljištu površine 1,5 dunuma zasadili malinjak dvogodišnje sorte „Tulamin“. Osim sadnica i drugog materijala nabavili su i sistem za navodnjavanje „kap po kap“. U toku proizvodnje, nisu koristili mineralna gnojiva, već samo prilikom zasnivanja zasada, prema preporuci analize zemljišta i agronoma Partnera. U uzgoju maline koristili su organsko gnojivo (stajnjak) i manje količine pepela kao nus proizvoda od drvenastih biljaka. S obzirom da se njihov zasad nalazi na nadmorskoj visini od 500 metara, nije imao značajnih problema sa napadom štetnika u zasadu. „Preventivno sam tretirao zasad sa smjesom koprive i vode, tako da nisam imao napade insekata i lisnih ušiju u toku vegetacije“, ističe zadovoljno Ferid. „Od zaštite protiv bolesti izdanaka rano u proljeće koristio sam samo prskanje sa plavim kamenom (bakarni sulfat) u kombinaciji sa gašenim krečom, prema preporuci agronoma Partnera“, nastavlja svoju priču Ferid.

S obzirom da je tržišna cijena jednog kilograma malina dostizala i četiri KM, uzeta sredstva od Partner MKF su se isplatila već u 2015. godini. Na površini od 1,5 dunuma, u toku jula mjeseca, ostvarili su prinos od 700 kg svježe maline. Pola roda od 350 kg, Ferid je prodao lokalnom otkupljivaču po nešto nižoj cijeni, dok je 350 kg prodao po cijeni od 5 KM za jedan kilogram. „Za kompletan rod od 700 kg, ostvario sam prihod od 3.000 KM, od čega sam bez problema mogao da otplatim kredit“, ističe zadovoljno Pačavar. „Mogao sam da ostvarim i veći prinos sa neorganskom ishranom zasada, međutim, smatram da je organska proizvodnja budućnost“, nastavlja svoju priču ovaj vrijedni malinar. Krajem ove godine očekuje puni rod i prinos od najmanje 1.500 kg organske maline. Na ovu proizvodnju odlučio se nakon jedne prezentacije o prednostima uzgoja jagodičastog voća koju su u njegovom mjestu održali agronomi iz

Partnera. „*Nema problema oko plasmana maline na tržištu*“, ističe novopečeni malinar, koji nije imao gotovo nikakvog iskustva u ovoj proizvodnji. Važno za ovu proizvodnju je kvalitet sadnog materijala maline, kao i posjedovanje izvora za navodnjavanje u blizini parcele.

Osim finansijske podrške, gospodin Pačavar posebno ističe stručnu pomoć agronoma Partnera, koji mu je na usluzi u svim fazama proizvodnje, dajući korisne savjete o primjeni agrotehničkih mjera u zasadu. On razmišlja da proširi postojeći zasad, na osnovu pozitivnog iskustva, te će sigurno sve aktivnosti oko proširenja proizvodnje koordinirati sa Partner MKF. U njegovoj bližoj okolini, zahvaljujući Partnerovim kreditima, podignuto je više desetina zasada maline, dok zainteresovanost za ovu proizvodnju na tom području stalno raste.

Do kraja februara 2016. godine, Partner je plasirao ukupno 664 kredita (1.847.166 KM), za podizanje dugogodišnjih voćnih zasada na površini oko 1.505,6 dunuma (150.056 ha), raznih voćnih zasada. Partnerovi klijenti od zasada u rodu ostvarili su ukupno 3.011,2 tona prinosa raznog voća. Upoređujući ovaj prinos sa prinosom iz 2014. godine, koji je iznosio 32.305 tona jagodičastog i koštičavog voća, proizvodnja voća u BiH, povećana je za 9,3 %. Partner je plasmanom 664 kredita stvorio najmanje 664 nova radna mjesta i indirektno zaposlio 2.656 radnika u poljoprivredi.